

Inatsisartut suleriaasianni § 33 naapertorlugu aalajangiiffigisassatut siunnersuut manna matumuuna Naalakkersuisunit saqqummiunneqarpoq:

**Kalaallit Nunaani eqqartuussisarnermi inatsisip, Meeqqat inatsiseqartitaanerannik  
Kalaallit Nunaanni inatsisip, aappariilersarneq aappariikkunnaartarnerlu pillugit  
Kalaallit Nunaannut inatsisip aamma aappariinnermi inatsisitigut kingunerisassat  
pillugit Kalaallit Nunaannut inatsisip allanngortinneqarnissaannik inatsit pillugu  
Inatsisartut aalajangiiffigisassaattut siunnersuut  
(Kalaallit Nunaanni kingornussisarneq agguasarnerlu pillugit inatsisit  
nutarterneqarnerisa kingunerisaanik allannguinerit)  
(Meeqyanut, Inuuusuttunut Ilaqtariinnullu Naalakkersuisoq)**

### **Tunngavilersuut**

“Kingornussisarnermik inatsisip, aappariit pigisaasa agguarerat pillugu inatsisip, toqusup pigisaasa agguarerat pillugu inatsisip aamma eqqartuussisarnermik inatsisip, akiliisinnaajunnaarneq pillugu inatsisip, eqqartuussivkoortumik nalunaarsuineq pillugu inatsisip, aappariinnerup inatsisitigut sunniutai pillugit inatsisip kiisalu inatsisit allat allanngortinneqarnerisa (Toqusup pigisaasa agguarerat pillugu inatsisip malitsigisaanik allannguinerit) Kalaallit Nunaanni atuutilersinnejarnnernik peqqussutissatut missingiummut Namminersorlutik Oqartussat isumaqataanerat pillugu Inatsisartuni aalajangiiffigisassatut siunnersuut“ UKA 2021-imi Naalakkersuisut saqqummiuppaat. Siunnersuut ukiakkut ataatsimiinnermi siullermearneqarpoq, tamatumalu kingorna ataatsimiititalimi suliarineqarnissaanut innersuussutigineqarluni.

Kisianni inatsisini allani naleqqussaasoqartinnagu peqqussutit taakku atuutilersinnejarsinnaanngillat.

Suliassaqarfinni suli tiguneqarsimannngitsuni inatsisiliorneq qallunaat malittarisassaataannik peqqussusiornikkut, imaluunniit folketingip inatsisaatigut taamaallaat Kalaallit Nunaannut atuuttukkut. Kingornussisarnermik inatsisit, aappariit pigisaasa agguarerat pillugu inatsisit, toqusup pigisaasa agguarerat pillugu inatsisit pillugit peqqussutissaq pillugu aalajangiiffigisassatut siunnersuut inatsisit allat peqqussutinngortinneqarsimasut allanngortinneqarnissaannik imaqarpoq. Kisianni inatsisit aallaaviisa qullersaqarlutillu allersaqarnerannik tunngavik malillugu inatsit peqqussummit allanngortinneqarsinnaanngilaq.

Taamaammat folketingip inatsisaannut Kalaallit Nunaannut atuuttunut, inatsisissatut siunnersuut manna allannguutissatut missingiutinik imaqartoq, Justitsministereqarfuiup suliarisimavaa, taamaalillutik taakku kingornussisarnermut malittarisassanut aamma avinnermi pisuussutit agguarnissaannut malittarisassanut, peqqussutissatut missingiutini siunnersuutigineqartunut, naapertuutilerniassammata.

Taamaammat folketingip inatsisaasa Kalaallit Nunaannut atuuttunut allanngortinnissaannut missingiutinik imaqartoq, inatsisissatut siunnersuut manna Justitsministereqarfuiup suliarisimavaa, taamaalillutik taakku kingornussisarnermut malittarisassanut aamma

avinnermi pisuussutit agguarnissaannut malittarisassanut, peqqussutissatut missingiutini siunnersuutigineqartunut, naapertuutilerniassammata.

Allannguinerit annertunerusumik teknikkut allannguinerusut pineqarput.

Inatsisisatut siunnersuummi pingaarnertut tulliuttut ilaapput:

*Kalaallit Nunaanni eqqartuussisarnermik inatsit*

Agguassinerni suliani arlaqartuni aalajangiinissamut piginnaatitsineq, matumani aappariinni pigisat agguarneqarnerinut tunngasuni, suliani pigisat eqqartuussissuserisumut, pigisat pillugit naatsorsuisussamut, tunniunneqarnissaannut tunngasuni aamma suliani kingornussisarnermi inatsiseqartitsinermut tunngatillugu aalajangiinernik allanngortitsinernik tunngasuni allanilu, najukkani eqqartuussivinniit Nunatsinni Eqqartuussivimmut nuunneqarnissaa peqqussutissanut missingiutit ilaatigut kinguneraat.

Taamaammat Kalaallit Nunaanni eqqartuussisarnermik inatsimmi najukkani eqqartuussiviit aamma Nunatsinni Eqqartuussiviup suliassai piginnaatitaanerilu pillugit aalajangersakkat allanngortinneqarnissaannik inatsisisatut siunnersuut imaqarpoq, taamaalilluni agguassinermik sulianik siullermeirluni suliarinninnermi aalajangiisinnaanermut piginnaatitaaneq najukkani eqqartuussivinnit Nunatsinnilu Eqqartuussivimmit avinneqarnerat ersersinneqarluni.

*Meeqqat inatsiseqartitaanerannik Kalaallit Nunaanni inatsisit*

Inatsimmi kingornussisarnermi inatsimmut atuuttumut innersuussineq atorunnaarsinneqarpoq, aamma ataasiakkaani oqaatsitigut naqqiisoqarpoq.

*Aappariilersarneq aappariikkunnaartarnerlu pillugit Kalaallit Nunaannut inatsisit*

Inatsisisatut siunnersuut aqqutigalugu oqaatsitigut ataasiakkaanik naqqiisoqarpoq, soorlu aamma aalajangersakkat ataasiakkaat atorunnaarsinneqartut, taakkumi peqqussutissatut missingiutini malittarisassiunneqarnissaat siunnersuutigineqarmat.

*Aappariinnermi inatsisitigut kingunerisassat pillugit Kalaallit Nunaannut inatsit*

Aappariit suli katissimatillutik pisuussutitik qanoq agguartassaneraat inatsimmi ilaatigut sinaakkuserneqarpoq.

Aapparisaasup aappaataa pisuussutit ataatsimoorussat atornerluinikkut, paarsinerlunnikkut imaluunniit illersorneqarsinnaanngitsumik iliornermigut annikillisissimappagit, imaluunniit apparisap pisuussutinit ataatsimoorussanit immikkut pigisani pitsaanerulersissimappagit imaluunniit illuatungaani immikkut pigisaminit pisuussutit ataatsimoorussat annertesisissimappagit, aalajangersakkat ilaata, § 23-ip, aapparisaasup imaluunniit apparisap kingornussisussai apparisap apannit akissarsianik tunineqarnissamik pisinnaatilerpai.

Taamaattoq aapparisaasup akissarsiassat akilerneqarnissaat agguaanermi aatsaat piumasarisinnaavaa, tassa pisumi pisuussutit ataatsimoorussat, avinnermut imaluunniit apparisaaup toquneranut atatillugu, agguarneqartussaaneranni. Taamaammat peqqussutissatut missingiutini siunnersuutigineqartunut malittarisassanut avinnermi pisuussutit avinneqarnissaannut tunngassuteqartunut qanittumik atapput. Aalajangersakkap siunnersuutigineqartup malittarisassat katersorpai, aamma taakku peqqussutissatut siunnersuutinut naapertuunnissaat qulakkeerlugu.

Tamatuma saniatigut innersuussutit allanngortinneqarput aalajangersakkallu ataasiakkaat atorunnaarsinnejarlutik, tassami taakku peqqussutissatut missingiutini malittarisassiunneqarnissaat siunnersuutigineqarpoq.

### **Missingiummut Naalakkersuisut oqaaseqaataat**

Kingornussisarnermik inatsisip, aappariit pigisaasa agguarerat pillugu inatsisip, toqusup pigisaasa agguerneqarnerat pillugu inatsisip aamma eqqartuussisarnermik inatsisip, akiiliisinnaajunnaarneq pillugu inatsisip, eqqartuussivkoortumik nalunaarsuineq pillugu inatsisip, aappariinnerup inatsisitigut sunniutai pillugit inatsisip kiisalu inatsisit allat allanngortinneqarnerisa (Toqusup pigisaasa agguarerat pillugu inatsisip malitsigisaanik allannguinerit) Kalaallit Nunaanni atuutilersinnejarnerannik peqqussutissatut missingiutip akuersissutiginerata malitsigisaanik inatsisit imminnut naapertuutilernissaat inatsisissatut siunnersummi siunertarineqarpoq.

Innersuussinernut allannguutinik, allannguinerit kingunerinit naqqiinernik aamma marloqiusamik malittarisassiussinerit atorunnaarsinnejarnerannik siunnersuut imaqarpoq. Taamaallilluni inatsimmik nalilersuineq pineqarpoq, taannalu innuttaasut pisinnaatitaaffiinut imaluunniit pisussaaffiinut allannguutinik kinguneqartussaanngilaq.

### **Oqartussaasunut aningaasaqarnikkut allaffissornikkullu kingunerisassai**

Soqanngilaq

**Namminersortumik inuussutissarsiuteqartunut aningaasaqarnikkut allaffissornikkullu kingunissai**  
Soqanngilaq.

**Innuttaasunut aningaasaqarnikkut allaffissornikkullu kingunissai**  
Soqanngilaq.

### **Tusarniaaneq**

Tusarniaanermik ingerlatsineq Justitsministereqarfiiup isumagaa, tassani kalaallit oqartussaasoqarfii attuumassuteqartut ilanngunneqarsimapput.

### **Ilanngussat**

1. Kalaallit Nunaani eqqartuussisarnermi inatsisip, Meeqqat inatsiseqartitaanerannik Kalaallit Nunaanni inatsisip, aappariilersarneq aappariikkunnaartarnerlu pillugit Kalaallit Nunaannut inatsisip aamma aappariinnermi inatsisitigut kingunerisassat pillugit Kalaallit Nunaannut inatsisip allanngortinneqarnissaannik inatsit (Kalaallit Nunaanni kingornussisarnermi- aamma agquaassisarnermi inatsisit nutarternejarnerisa kingunerisaannik allannguinerit) pillugu eqikkaaneq

2. Kalaallit Nunaani eqqartuussisarnermi inatsisip, Meeqqat inatsiseqartitaanerannik Kalaallit Nunaanni inatsisip, aappariilersarneq aappariikkunnaartarnerlu pillugit Kalaallit Nunaannut inatsisip aamma aappariinnermi inatsisitigut kingunerisassat pillugit Kalaallit Nunaannut inatsisip allanngortinneqarnissaannik inatsisisamut missingiut